

M090: Benediktbeurer Glaube u. Beichte I

107v,21 Ich gloube an den alemächtigen got . der der schephare ist
 107v,22 himeles unte der erde . luiftes unte uuaszeres . Unte aller
 107v,23 dero dingo die dar inne beuangen sint . Ich gloube an den
 107v,24 uater Unte an den sun . unte an den heiligen geist . Ich
 107v,25 gl' . daz die dri genemmede ein warer got ist Ich gl' daz der gotes
 107v,26 sun der der ie was ebenhere unte ebenewihc sinem uater .
 107v,27 daz der geboren wart . in den iungesten ziten . uone sc-e
 107v,28 mariun der ewigen magede . Ich gl' daz er hi en werlte
 107v,29 was . warer got warer mennescho ane sunto . Ich gl' daz
 107v,30 er uangen wart daz er an daz cruce erhangen wart daz
 107v,31 er dar an arstarp . Ich gl' daz er z ero hello fuor unde
 107v,32 dar uz losta die er imo erwelet habeta . Ich gl' daz
 107v,33 er des triten tages uf stunt unte daz er sider
 107v,34 hi en werlte was uierzog taga unte uierzog
 107v,35 nahta . Ich gloube daz er des fierzegosten tages

108r,1 ze himele furt . daz er . da sizzet ze sines vater zesuun .
 108r,2 ze sines fater herscheft . Ich glovben . daz er . noch chomen
 108r,3 scol . ze demo iungesten tage . vnte daz ihc danne ersten
 108r,4 scol . an demo selben libe da ihc hiute ane schine .
 108r,5 Ich gl' daz ihc rede geben scol aller miner wercho . vnte
 108r,6 daz ich irteleit scol werden . al nah minen . werchen .
 108r,7 eintweder z emo euuvigen libe oder z emo euuigen tode .
 108r,8 Ich gl' die gemeinde der heiligen christenheite . Ich
 108r,9 gloube anthlaz miner sunteno . ube sie mich rethe geriuwent .
 108r,10 Ich gloube den ewigen lip . Ich gihe demo alemathigen
 108r,11 gote . Vnte miner frouun sc-e mariun . unte minemo
 108r,12 herren sc-e petro . unte allen gotes heiligon . Vnte dir ewart
 108r,13 aller miner sunteno . die ich ie gefrumete suie ihc sie gefrumete
 108r,14 wizzente oder unwizzente . Slafente oder wachente
 108r,15 danches oder undanches oder swie so ich sie gefrumete
 108r,16 so irgib ich mich huito sculdigen aller dero sunteno
 108r,17 die mennesco gefrumen mag . in gedanchon . in Worten . in
 108r,18 werchen . Ich gihe demo alemachtigen gote unte allen
 108r,19 sinen heiligon . suvaz so ich ie ubeles getete . daz daz min
 108r,20 scult was . Vb ich ie iht gotes getete daz daz sin gnada
 108r,21 was . Ich geizze demo alamachtigen gote . min garuez
 108r,22 herza minen offenen uuillen miner sunteno mih ze gloubenne

- 108r,23 unte also uerro ze uermidenne so mich sin gnada gesterchet . unte . min
 mennesheit
- 108r,24 mir verheng& . Ich bitte gewegedes unte gedinges mine frovun
- 108r,25 sc-e mariun minen herren sc-e petru- unte alle gotes heiligon daz sie
- 108r,26 mir des helfente sin daz ich so lango geuristet uerde unze ich
- 108r,27 mine sunte rehte geriuwe unte rethto gebuozze . Ich bitte alle
- 108r,28 die mich huito hie gesehent ode gehorent sowie so min tac mich begrife
- 108r,29 unte min ente daz sie mir des urchunde sin . z emo iungesten
- 108r,30 tage daz ich huito hie scint in waren ruuon in rechtero
- 108r,31 bechantnusse miner suntone .